

影印
文淵閣

四庫全書

影印

文淵閣四庫全書

第一二八八冊

北京出版集團公司
北京出版社

本冊目次

目	溫恭毅集	亦玉堂稿	鯤溟詩集	薜荔園詩集
錄	集	稿	集	集

明溫純撰……………	三六一
清明劉榛輯……………	二〇九
明沈鯉撰……………	一三七
明郭諫臣撰……………	一
明余翔撰……………	一

欽定四庫全書

集部
薛荔園詩集卷一

詳校官監察御史臣周元良

侍讀臣孫球覆勘

總校官中書臣朱鈐

校對官中書臣李荃

謄錄監生臣李翹鳳

欽定四庫全書

集部六

薛荔園詩集

別集類五
明

提要

臣等謹案薛荔園詩集四卷明余翔撰翔字

宗漢號鳳臺莆田人嘉靖戊午舉人官全椒

縣知縣與巡按御史抵牾投劾棄官去為汗

漫之遊其詩以雄麗高峭為宗聲調氣格頗

近七子故世貞贈詩云十八娘紅產荔枝蠟

欽定四庫全書

薛荔園詩集
提要

榜舌嫩比西施更教何物誇三絕為有余郎

七字詩屠隆作傳亦稱閩產足珍貴者不獨

荔枝西施舌蓋即指此然人品頗高故詩有

清致不全為七子之膚廓未可盡斥之也傳

稱所著有薛荔園詩余宗漢稿遊梁新編金

陵紀遊文考翔遊蹤所經惟大梁金陵為最

後今集中俱已載入則合而編之仍以薛荔

園詩為名也明詩綜不著其名殆原屬抄本

故流傳尚少歟乾隆四十三年六月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

薛荔園詩集
提要

二

薛荔園詩集原序

夫澤雉非瑞腹中之錦稱奇井蛙乃微夏半之聲如吹
質稟而絢於文靈合而通其竅顧影吐吞益自金土煦
沫相濡亦叅氣化粵稽物流斯或可覩也世有下走窮
於踣跣外之無能紆籌策以綜時內之無能托甘毳以
供旨上之無所肆雄逸以動衆下之卒莫肯嬉嫖以媚
人咀嚼椒桂撚麝芝蘭容有鮑氏之知寧少宗伯之薄
人語亦語詆其昧於鉗口人默亦默訾其短於雌黃噫
夫處下賤望睫而以結於世豈不云難矣哉於是謝絕
新流剔抉舊習撫景興思懷人發涕窮愁幽興托之微
喟詎云成乎一家庸以擬之蛙雉或有謂之則應之曰
窮於實通於虛吾不能違天感諸心發諸聲吾以為自
適至其爭雄字句遠托憤疾音響之變亦惟其時乎噫
深沉長者斤無賴於卷端風雅少年鼓餘波於頰輔是
則下走之罪已

薛荔園詩集原序

欽定四庫全書

薛荔園詩集
原序

一

欽定四庫全書

薛荔園詩集卷一

五言絕句

明 余翔 撰

三洲十景

有叙

余家三洲工大海浩淼自東來西接木蘭泗華
二水蓋郡北一與區也南有寧海橋甚鉅麗橋
北東舊置烟壘明斥堠昇平日久有老樹亭亭

欽定四庫全書

薛荔園詩集
卷一

盤其上若飛蓋是曰烟墩孤樹景一吉祥寺當
橋北囊山僧主之每晨夕鐘聲隱隱從風外度
是曰海寺疎鐘景二洲北有白水塘滙諸水東
入海漁者撒網如錯往往聞扣舷歎乃聲是曰
白水漁歌景三東西皆大隄有薛荔蒲葦葦
之屬足供樵採是曰滄洲樵隱景四自白塘南
來六橋蜿蜒相望雖佳麗稍遜西湖而月下行
遊若駕晴虹而窺明鏡亦足稱勝一方是曰六

橋夜月景五三江當海右之衝大風吹浪不知

來幾千里白雪皚皚疑為廣陵八月濤也是為

三江雪浪景六地宜榕居人多植之以屏東北

扶疎輪囷好作怪狀其根盤踞若龍虬溽暑坐

其下風颼颼來襲人是曰榕陰連陌景七洲中

多澗水每春夏之交飄蕩落花紅白相映令人

有桃源間想是曰澗水流花景八惟是八景平

楚蒼茫點綴村落先輩諸公多所標題惜其詩

欽定四庫全書

薛荔園詩集
卷一

帙不傳耳余薄遊歸日遊戲其間嘗嘆曰是天
假我以吾土之信美也即此逍遙若斥鷃足以
自老奚必九萬里而南為一日弟道昭氏過余
薛荔園請曰三洲八景信美矣然東南之隅有
三塔焉高蹇鼎峙若青鳥之下雲中小園之北
新築一臺其上松蘿交翠可以避塵囂而奏綠
綺願伯廣而咏之於是標其景曰平疇三塔芳
樹孤臺並前八景而為十各咏一絕雖巴渝其

音僅為劍首一呖庶幾好事者和而歌焉張吾
土之信美耳若曰彈丸之地為吞雲夢八九者
所訾是則不佞夷然自失矣

烟墩孤樹

海上舊烟壘頗年罷舉烽但有孤樹影帶月舞龍鍾

海寺疎鍾

墟里黃昏候投林鳥雀哀渡頭鐘隱隱風送普陀來

白水漁歌

欽定四庫全書

蘇軾詩集
卷一

一水接滄溟六鼇秋可釣試聽欸乃歌吾亦發長嘯

滄洲樵隱

東海湧三洲負薪堪自老吾生澹蕩人更欲牽瑤艸

六橋夜月

彷彿西湖上烟波鎖六橋美人明月夜好泛木蘭橈

三江雪浪

海門烟霧深忽見秋濤起欲折扶桑枝乘潮去萬里

榕陰連陌

積翠盡陰陰風吹十里響上樓白鷺羣下映青苔壤

澗水流花

淙淙澗裡水不啻鴨頭綠有時流落花疑是桃源曲

平疇三塔

寶塔鎮東方亭亭三鸞鷟雲中掛暮蟾海上射朝旭

芳樹孤臺

嘉樹鬱成陰孤臺眺蒼莽長笑似蘇門白雲自來往

題棲禪寺

欽定四庫全書

蘇軾詩集
卷一

片片歸林鳥微微出寺鐘僧門掩秋色明月掛高松

玉階怨

玉階無人行監宮日日掃夜來望四星白露沾秋草

葛仙井

昔時煉液人鑿井湖山側即今井中泉猶帶丹霞色

出郭

出郭期無事看花轉不聞夕陽低衆壑水底見青山

少年行

九衢馳馬去三輔
關雞來不必通名姓
金吾夜鑰開

寄游宗謙

一曳王門裾
風流工賦雪
不知楚醴筵
猶為穆生設

秋夜有懷

夕露滴疎桐
月下鳴雙杵
清宵耿不寐
美人何處所

采石懷古

戔戔采石磯
下有蛟龍窟
不見騎鯨人
波心墮明月

望九華山

欽定四庫全書

蘇軾詩集
卷一

五

多少風波客
勞歌棹往還
眼中青似黛
惟有九華山

荻港晚泊

掛席東南行
青山望迢忽
日暮寒潮生
維舟對孤月

舟中對月

東風吹片雨
遙沂大江流
可是鷓鴣子
乾坤一葉舟

宿桃葉渡

片月冷黃昏
家家靜掩門
避秦人不見
山犬吠江村

長干行

莫愁貌如花
生長長千里
嫁與遠遊郎
愁風復愁水

晚寒即事

昨夜風霜冷
孤衾愁殺人
朝來看兩鬢
種種已如銀

閶門懷古

城下多春草
館娃何處尋
惟有閶門水
前朝流至今

吳山晚眺

雨歇江天迥
憑高見午潮
紫陽雲乍起
彷彿赤城標

蘇小小墓

欽定四庫全書

蘇軾詩集
卷一

六

粉黛何年沒
春風土一抔
香魂幻蝴蝶
疑逐夜花來

投野寺宿

不見東林寺
但聞隔水鐘
溪深橋復斷
片月掛孤峰

春日懷歸

谷口轉鶯聲
春風發楊柳
蕭條萬里人
孤帆傷白首

懷陳振旺

孟公個儻人
風流傳尺牘
雲樹色蒼茫
空窮千里目

江上阻風

繫纜此江滸風狂不作雨木葉晚蕭蕭扁舟誰與語

夜月荷香

一曲滄浪水盈盈片月光湖邊香不散玉女試霓裳

古別離

問君何所之未語淚先落寧跨茅家龍莫採劉郎藥

懷友

着屐步蒼苔蕭然塵事少美人來不來隔竹聞啼鳥

又

欽定四庫全書

蘇詩園詩集
卷一

閉戶讀南華人踪幽徑絕徙倚有所思一片東山月

閨詞

春風入繡幃花氣入羅衣刺得鴛鴦枕待郎幾日歸

又

郎戍瀟關去別離何太久塞雁秋來多見郎寄書否

宮詞

待月立金階露冷羅衣薄徙倚玉闌干秋風吹簾幙

聽鳥

禪房鐘乍歇古木鳥初啼催醒還家夢依然在虎溪

俠客

都市知名姓橫行借報仇酣歌易水去那問大刀頭

古意

窈窕盧家婦當窻理針線含情步花間羞見雙飛燕

湖心亭即事

平湖開一鏡日暮繫樓船酒似移盤石歌疑唱採蓮

九日飲酒肆

欽定四庫全書

蘇詩園詩集
卷一

他鄉逢素節何處覓黃花白髮登高懶將錢向酒家

臥龍山懷古

欲覽會稽城試上龍山頂越王不復來萬家春樹冷

自君之出矣

自君之出矣鉛華不復理思君如浮雲日逐東流水

大佛寺夜坐

片月掛遙岑蕩漾湖波裡山僧猶未眠謾謾松風起

七夕風雨有懷

咫尺不可見，戔門風雨多。一水非銀漢，無梁當奈何。

挽徐子瞻明府

乘化飄然去，言登紫府班。石麟天上物，元不住人間。

又

白雲隨出沒，精氣化為龍。縱有陳蕃榻，南州不可逢。

又

北邙歌薤露，列宿失郎官。篋裡留中論，芳名並建安。

又

修文歸地下，三徑長蓬蒿。剩有河東鳳，鐘山日夜號。

江岸次舟有懷

秋風江上來，吹轉東流水。停橈有所思，月白長千里。

懷南山寄澹上人

出郭饒山水，鳳凰隱化城。別來風雨夜，夢斷虎溪聲。

題酒家全錢季善作

解下鷓鴣裘，恰貰酒一斗。笑問酒家胡有客，如此否。

春晚戲柬張幼于

蠶事猶未起，登樓理晚粧。雙眉元似黛，不用畫張郎。

山陰道上風雨

東郡多山水，高蹤想古人。欲歌招隱曲，風雨暗相親。

病中喜景受宗振至

鶯花愁不廢，藥石病難除。二仲勞相過，春風蒲觥廬。

古別離二首

為屈氏別
游君作

南海有明珠，光潔還如昨。君心諒不移，所嗟妾命薄。

又

飄飄楊白花，隨風無定止。一片別郎心，可以照秋水。

西巖雜咏

二十首

白雲窩

卜築青山下，白雲任往還。多情花下鳥，相對語關關。

釣月磯

直鉤何用釣，待月掃漁磯。鷗鳥雙雙下，憐人久息機。

一鑑塘

一鏡無浮雲，澄波徹下上。但得會心處，何須濠濮想。

芙蓉池

芙蓉照秋水湘女集為裳忽聞仙佩響月下挹羣芳

桃花源

桃花然小塢恍惚武陵源遠浦漁歌入前林鳥語喧

赤壁

赤壁臨烟水仙人鞭石來清風來水面蕩漾斗牛迴

鶴徑

元鶴棲幽徑聲鳴達九天會心知萬里暫寄百花前

欽定四庫全書

蘇易園詩集
卷一

十一

鹿門

聖主非熊夢丈人御鹿歸蒼生多屬望且莫掩柴扉

荔圃

荔火明玄圃枝頭紫玉團欲蘓司馬渴試進水晶盤

留仙巖

層巖凌北斗東望俯蓬瀛為有三珠樹長留子晉笙

翠雲臺

芳樹接雲煙孤臺半接天八公自來往詩咏小山篇

悠然亭

一遂初衣心逍遙無轍迹時對南山雲悠然此俱寂

碧山堂

學士碧山隱焚魚問草堂千載雲龍會為霖意不忘

朝爽軒

白露湛千秋枝頭鳥聲響陽鳥海上來亭榭生秋爽

夕嘉樓

晚照挂松蘿巖居樂事多叢林歸鳥集遠寺暮鐘和

欽定四庫全書

蘇易園詩集
卷一

十二

仙居樓

樓閣懸青漢乘風躡斗墟空中鸞鶴下此地即仙居

靈源洞

靈源開寶洞瑤草長闌干一授刀圭訣顏容駐渥丹

瓊液泉

為問瓊漿窟何如太液長臨流傾玉碗高枕傲羲皇

茗園

藝得芳園茗採將穀雨時樵青掃竹煮一碗一篇詩

秣田

帝寵歸農日閒犁種秣田但教多釀酒樂聖且稱賢

題林德夫樂丘八景

梅坡真隱

梅花清似雪縹緲白雲間不有神仙住誰傳姑射山

望海蒼巖

高蹈營邱壑林巒騁目初峨眉雲變幻海氣直凌虛

瑤泉流碧

欽定四庫全書

薛荔園詩集
卷一

十三

千年流不竭谷口氣氤氲莫是神龍窟靈湫瀉白雲

擬謝公墩

古木叅天迥青山載酒多謝公墩可擬詞客盛年何

疊玉山房

夜夢崑山玉朝名有美堂但看松竹色何處不琳瑯

劉安叢桂

山似淮南秀人歌叢桂篇莫論今與昔異代總登仙

松月夜窓

松齋零露滴夜生思冷然一誦襄陽句山窓月色偏

春草池塘

春此棲真地高深闢化工池塘春草夢不減謝家風

題林德夫東山別墅

偃蹇歌招隱棲遲老歲華世情從燕雀吾道自龍蛇

其二

猿鳥山中侶松蘿物外情看花多藉艸恰恰聽流鶯

其三

欽定四庫全書

薛荔園詩集
卷一

十四

松下時調鶴溪邊日釣魚孤山林處士封禪總無書

其四

眷此栽花地而多種秣田桔槔偏不用鼓腹樂堯天

其五

入林無俗物愛客有深懷誰得逍遙趣風吹海月來

其六

山氣冷疎牖墟烟淡遠村桑麻與雞犬彷彿武陵源

其七

羣峰青似黛一水碧如油但得會心處何須到十洲

其八

芳潔紉蘭佩離披咏桂叢謝家春草夢無日不詩筒

其九

花氣朝侵榻松風夜拂琴庭前梧與竹鸞鳳自為林

其十

白髮甘肥遯青山狎隱淪試看朝市客若個是閒人

題胡參軍池亭 二首

欽定四庫全書

蘇易園詩集
卷一

十五

白雲澹忘歸川上氣蕭爽魚鳥來親人居然濠濮想

又

抱甕似漢陰地僻無車馬白鷗海上來日對忘機者

重陽前一日送周元孚還楚 三首

令節逼重九歸期及暮寒風霜搖落候莫遣客衣單

其二

籬下菊盈把尊前客盡歡詎容風雨妬新月滿長安

其三

南國宦猶薄西陵夢未殘君家湘水近行矣紉秋蘭

題友人池亭 三首

花竹散清陰孤亭蒼翠裡坐來百慮消彷彿臨秋水

其二

高閣霞為幔叅差花影重斗間真氣在知有抱珠龍

其三

池塘開十畝流水漾桃花但得如泥醉何須問習家

對菊吟

欽定四庫全書

蘇易園詩集
卷一

十六

黃花香裛露采采滿東籬不有陶元亮誰來倒酒巵

採蓮曲

澄澄若耶溪盈盈採蓮女將花比玉顏溪上自容與

壺莊八咏

雲莊縹緲

素性耽林丘卜此棲杖屨一嘯洞中天白雲任來去

石洞崔嵬

靈巖類削成不結茅為屋欲覓煉丹人逍遙此辟穀

翠壺倒枕

借來壺作枕笑傲足煙霞莫著藩籬想空中納九華

蘭波環帶

蘭津環一帶萬古自春秋時發滄浪咏磯頭濯足流

石拱三台

昔人云此石原應天中宿可是魁三象山間長爭秀

霞映赤城

隱隱梅臺外雉垣入眼賒仙風如可御咫尺赤城霞

欽定四庫全書

蘇詩集

七

一峰中立

長隨鹿豕羣有時瞻太乙頓覺振衣寬扶桑低海日

雙鶴飛翬

野趣偏耽鶴從容坐翠微雲霄萬里迴健翮任高飛

長安道

何處可消憂長安高酒樓樓前雙柳樹好繫紫驂驕

雨後吟

夜來北窓雨蕭蕭竹偃扉朝望城頭山白雲濕不飛

望囊山

松林度鳥急鷺嶺巢雲低欲問蓮花社斜陽過虎溪

催牡丹

春色已平分名花猶未吐把酒一酬之我歌花且舞

飲蘭亭

竹樹滿山陰前賢跡未掃試流曲水觴醉藉王孫草

謁禹廟

丹青留日月輦道積莓苔王氣千秋盡猶傳玉帛來

欽定四庫全書

蘇詩集

十六

湘妃怨

九嶷何處是玉輦幾時過千秋悲帝子竹上淚痕多

別馬君

斗酒江頭別相看擊筑歌長江流不盡離恨較誰多

又

高才君倚馬落魄我歌魚相勸加餐飯無忘尺素書

班婕妤

片月照金閨紈扇不堪把珠簾上玉鉤霜覆鴛鴦瓦

五言古詩

古詩

合浦產明珠，澄澤茁芳草。褰裳欲採之，將以遺所好。所好隔天涯，戚戚傷懷抱。歲寒雨雪多，遊子悲遠道。思君重躊躇，一夜令人老。

其二

盈盈三五月，流輝入我帷。中夜起徬徨，憂心當告誰。白露塗中庭，寒蟬夕鳴悲。豈無心所歡，千里邈音徽。仰視

欽定四庫全書

薛荔園詩集
卷一

十九

雁南翔，俯盼庭柯飛。漫漫茲長夜，涕淚沾裳衣。

其三

百年何奄忽，燕樂當及時。斗酒娛心意，厚薄非所知。美人朝握手，言笑生光輝。風波一失所，嘉會安可期。逝者日以遠，來者日以稀。營營而惜費，無乃賢達嗤。

其四

女蘿何嫋嫋，楊柳何依依。皎皎誰家婦，羅綺媚春暉。粧成妬桃李，流涕倚雙扉。蕩子新婚別，三年行不歸。青春

嗟自老，紅顏亦已非。俯仰切中懷，何以解渴饑。

雜詩

白雪何飄飄，遊子多離憂。美人嬌如花，娥娥臨青樓。佳期竟寂寞，蹉跎若河流。河流漫浩浩，相思令人老。時物有如期，秉燭苦不早。

其二

今夕復何夕，皎皎明月光。酌酒登高樓，豈不懷故鄉。欲駕車無輓，欲濟河無航。仰視雲漢間，迢迢參與商。悲風

欽定四庫全書

薛荔園詩集
卷一

二十

西北來，越鳥東南翔。援琴不成曲，清淚沾衣裳。

同鄭觀察鄭明府泛舟徐潭兼送陳憲副之浙中

載酒泛青溪，溪流清如醕。佳客滿華筵，方舟自容與。鷺散沙汀原，疇被木黍盤。磳綠陰間，銜杯避煩暑。慷慨一行歌，鏗然振大呂。興劇恣猖狂，情深忘爾汝。月白且迴舟，離思紛如緒。伊人濟川才，而我烟霞侶。握手且為歡，浮生俱逆旅。願寶金石聲，雲霄日延佇。

題四皓圖為黃山人全之壽

秦威煽六合四賢隱商山紫芝何靄靄采之駐紅顏豈不
懷唐虞世遠不可攀隆準既興劉求之且閉關矚然義不
辱心與白雲間一朝入漢庭侍燕偉衣冠片言成羽翼宗
社賴以安伊人輶至德卷舒若轉丸處世合如此果哉何
足難黃公千載後風流繼考槃既探黃石畧亦煉紫金丹
逃名遵芳躅肆志託飛翰明時終抱璞寧媿碩人寬

趙仁甫邀登越王山同王汝存馬從甫林天迪賦

東風吹微和古道生芳草塞余困旅人戚戚縈懷抱朝

欽定四庫全書

薛荔園詩集

三

來聽鳴禽登高詣所好柳色鬱黃金春衣試魯縞款款
罄深杯翩翩裁麗蓼握手且為歡浮生悲易老曼倩隱
金門安期棲海島仙分各有宜願言長自保

贈朱開府

三山控閩服崔嵬開柏府懋德重保釐為憲資文武惟
公應名世建牙蒞茲土靈秀濬漳中羽儀振畿輔寅亮
踵畢公休聲邁古甫分陝嘉惠翔巍然握繡斧

其二

鳳凰毛羽奇松柏堅貞峙秉性既清高摧挫何能倚岳
伯非不榮棄之若敝屣勁節聳朝紳令聞裨國是簡在
出帝心家食不遑起王道固蕩平得興君子理

其三

貔貅肅千隊風雲陣八方鯨鯢息吹浪一望通扶桑神
武沛瀚渤經畧必封疆既已厯未雨兼之危復隍干村
屏狐鼠八郡屹金湯銃歌與壤吹洋洋達建章

其四

欽定四庫全書

薛荔園詩集

三

蘭臺晝餘暇藝苑託深心擷英朝華圃撫實夕秀林式
廬禮段木草檄資陳琳凌烟勒洪閭雄風披素襟垂老
沐德化况仰龍門深愧無山水奏延賞和知音

袁明府招登蓮花峰

托乘出城闌眷言丘壑美桑柘迷術阡園林錯山趾芳
樹烟中攢怪石巘巘峙徑仄步紆迴亭幽隨至上蘿谷
嘯獼猴松岑縈葛藟丹壁倩神扶翠屏役鬼徒仰觀鳥
篆荒俯視虹橋迤竹影散輕颺榕陰逗晴晷快矣坐青

林陶然命綠蟻遠水泛仙鳬空山懷石髓暮靄迎炎涼
林花簇朱紫揮麈言彌玄秉燭歡未已岳蓮氣盪胸隴
麥歌盈耳峴首慕羊公勒石齊芳軌伊余汗漫遊庶幾
若蓬累即景恣雕搜將無慚巴里

秋夜書懷

一葉下高梧隨風無所託夜靜寒蟬鳴涼颼振寥廓感
此重傷心流光何相薄世路頗險巖人心生荆棘騎鶴
緱氏山網羅安可得

欽定四庫全書

蘇詩周詩集
卷一

魏貞女詩

燭燭空中月沒且含光輝猗猗谷中蘭芬馨死不移溫
溫魏氏女皎皎瓊樹姿既嫺內則訓亦誦柏舟詩伊昔
聘林家皓首以為期君子溘朝露顙天涕漣洏匍匐奔
其喪相殉分所宜高堂未展謁況在天一涯羅帷為誰
設膏沐為誰施妯娒紛喋喋寧知我心悲水漿不入口
馬問渴與饑一朝復一夕視死甘如飴從容下九原豈
曰生結褵但作連理樹一坏土相依百卉媚春陽霜露

且先萎何如松與柏鬱鬱歲寒時嗟嗟魏氏女貞心邁
等夷共姜千載後芳名史並垂

賀朱母壽詩

佳氣集高堂有萱匝金芝萱分本忘憂芝亦日華滋春
風方駘蕩青鳥來瑤池眷言阿母壽跪進九霞卮珍羞
羅芬芬絲竹吹參差婺影射南斗環珮光陸離有鳳銜
瑞圖雖雖鳴堦墀九苞花下舞婆娑觀羽儀乘春歌燕
喜既翕和埴簎願母壽九如千秋以為期

欽定四庫全書

蘇詩周詩集
卷一

贈黃啟元孝感

黃生挺南國耿耿慕前修孝恭夙所稟朝夕何綢繆有
母困床褥顙天懷百憂剋股亟進之而母疾以瘳刀圭
信自取負米豈其儔黃生吾小友嚶鳴雅相求眷茲無
雙名江夏良可侔願生長努力壽母及千秋

讀姚新寧苦竹記有感賦此為贈

我生何不辰苦作亂離人感君詞更苦讀罷重酸辛城
池初構難衣冠盡塗炭四顧紛戈矛倉皇何所竄君自